

四庫全書

子部

欽定四庫全書

子部

海錄碎事卷二十二下

詳校官中書臣李彤

侍讀臣孫球覆勘

總校官進士臣繆琪

校對官中書臣王璵

謄錄監生臣唐淮

欽定四庫全書

海錄碎事卷二十二下

宋 葉廷珪 撰

六畜門

長髯簿

崔豹羊一名長髯簿

六擾

豫州其畜宜六擾注謂之擾者人所馴養也六擾者馬

羊牛豕犬鷄

蟲議所食

虱入豕柵議所食曰肥豕不度臘相與食其瘠者

烏金

唐洪州有人蓄猪致富因號猪為烏金 朝野僉載

中禁齋

猪肉項上一齋謂之中禁

古旃

北虜稱牛為古旃

犀鎧

犀鎧今之水牛通謂之犀

唐書

果下牛

出廣州以其庫小可行果樹下今之撥牛是也

黃耳冢

陸機葬其犬去家二百步聚石為墳俗謂之黃耳冢

述

異記

烏龍

搜神記張然犬名烏龍殺其奴與妻奸者

黃蒼

張彪犬名黃蒼彪為劫所殺犬號叫屍側宛轉血中

鷄鴨門

藁頭肥

山谷詩湖稻初春雲子白家鷄正有藁頭肥

狸膏

曹植關鷄詩願蒙狸膏助常得擅此場

長鳴鷄

西京雜記成帝時交趾獻長鳴鷄下漏驗之晷刻不差
長鳴一食時不絕

鷄知旦

淮南子鷄知旦鶴知夜半言鶴知之早也坡詩獨鶴不
須驚夜旦

潮鷄

輿地志移風縣有潮鳴鷄長旦清如吹角每潮至則鳴

一名村鷄

魚瞰鷄睨

見水族門

呼羣德

吳均曰鷄有呼羣之德鹿有食呼之美

五時鷄

有鷄夜鳴隨鼓節一更為一聲號五時鷄

失旦鷄

諸葛瑾曰失旦之鷄復思一鳴

鷄翹衛錦

鷄翹衛錦豈勝鮮華鷄翹冠也

溫庭筠

介鷄羽

季氏介鷄羽

邱氏金距左傳

鑿牆棲

詩鷄栖于埭注云鑿牆而棲曰埭

芥粉

周王褒鬪鷄詩妬敵金芒起猜羣芥粉生梁孝威詩翹

中含芥粉距外曜金芒

專棲之雄

抱朴子詩鷄有專棲之雄蟻有兼弱之智蜂有攻寡之

計

呼州州

遺却白鷄呼州州

音祝施有吾詩

翰音跖

翰音之跖是也

伺晨鳥

譬彼伺晨鳥揚聲當及旦

陸士衡

百日鵝

子鵝百日外子鴨六七十日佳過此肉硬矣

昇渠鴨

玄都有鴨丹毛而輕昇於芙蕖唼露而食曰昇渠鴨

洞

冥記

鷺鷥鬼

段氏云鷺鷥鬼鵠鵠厭人孔雀辟惡

雜蟲門

齊女

董仲舒云齊王之后怨恚而死尸化為蟬登樹而鳴故
蟬名齊女

含風蟬

蕭瑟含風蟬寥戾度雲鴈

謝惠連詩

肥遺

偽蜀王衍時自五月不雨至九月肥遺見紅樓注云肥遺蛇名角上有火見則大旱出山海經外傳華山亦有此蛇王氏開國記以肥遺旱見非也紅樓蜀端門樓也

食塵

山海經異水南有蛇曰食塵蔡邕云蚓食塵飲泉

蜂十圍

丹地踰百尺玄蜂盈十圍

鮑明遠詩

吹蠱

含沙射流影吹蠱病行暉南方蓄蠱殺行人置飲食中
人不覺其家遂滅則飛游妄逐行客中皆病死吹蠱飛
蠱也 鮑明遠詩

點白

食苗實碩鼠點白信蒼蠅言能變白為黑也 鮑明遠

蓼蟲

蓼蟲避葵藿習苦不言非言小人不知曠士之懷如蓼
蟲不知葵藿之美也 鮑明遠

黑蜾

黑蜾躍重淵商羊舞野庭音戾虵也皆欲雨之候

張景

陽詩

寒蜚

肅肅莎鷄羽烈烈寒蜚啼莎鷄促織也蜚蟬也

數蝶

花叢亂數蝶風簾入飛燕

謝玄暉詩

網蟲

網蟲垂戶織夕鳥傍簷飛

沈休文詩

丹鳥

夏小正曰丹鳥羞白鳥丹鳥螢火也

景天

螢一名景天一名夜光

崔豹注

鳳車

蝶一名鳳子一名鬼車一名鳳車搜神記朽葦為螢麥

為蛺蝶

稷螽

說苑螽者人之所攻鼠者人之所薰未嘗見稷螽見攻
社鼠見薰

率然蛇

孫子兵法曰常山之蛇名曰率然一身而兩頭擊其一
頭則一頭至擊其中則兩頭俱至

張華博物志

歡喜蟲

雜俎歡喜蟲能見衆夢

叩頭蟲

小鳥聞批頰微蟲弄叩頭

越王約法

爾雅注兩頭蛇江東呼越王約髮言其所變也

五技鼠

爾雅釋文鼯五技鼠也音石蔡邕勸學篇五技者能飛不能上屋能緣不能窮木能泅不能渡瀆能走不能絕人能藏不能覆身

胸臆

胸臆蚯蚓也夔州多此蟲故以為地名

露珊

見露門

如絲氣

杜詩崔十九太平寺泉眼云青白二小蛇幽姿可時覩
如絲氣或上爛漫為雲雨

蜜房羽客

蜜房羽客類芳心冶葉倡條徧相識

李義山

昆蟲

昆明也百蟲待明而動故曰昆蟲

土鴨

陶隱居本草注蛙大而青脊者俗名土鴨其鳴甚大

丹書八字

抱朴子蟾蜍壽三千歲者頭上有角頷下有丹書八字
玄中記云食之壽千歲

蝦蟇懷土

俗說蝦蟆懷土雖取置遠郊一夕復還其所

投機

古今注促織一名投機莎鷄一名絡緯

蜂無雌

古今注龜鼈之類無雄蜂蝶之類無雌

蛾眉

蛾似黃蝶而小其眉勾曲如畫詩言蛾眉

慕光

螢載火

飛蛾拂燈火夜飛一名暮光傳曰螢載火而寒一名挾火一名夜光一名宵燭

宵燭

見上

蛇腹竄

造化權輿云蛇腹竄蟻螭背行

潔飢

抱朴子云玄蟬潔飢不羨蜚蝗穢飽

商距

莊子使蚊負山商距馳河螂蛆一名商距

蜂臺蟻樓

古語蓋蜂窠疊構如臺蟻垤似樓

喜母

絡新婦

郭璞云今小蜘蛛長股者俗呼喜子垂絲著人衣當有親客至荊州河內之人謂之喜母又名絡新婦

疎蟬

耿緯集高樹多涼吹疎蟬足斷聲

歌女

江東人謂蚯蚓為歌女或曰鳴砌

野蛾

蝶一名野蛾

弄圓

蛭娘一名弄圓一名轉圓

立針

蝦蟇一名立針

黍民

河內人見有人馬數千萬皆如黍米以火燒之人成蚊蚋馬成大蟻故呼蚊蚋為黍民蟻為玄駒

玄駒

見上

怪蟲

小說漢武幸甘泉道中有蟲赤色以問東方朔對曰此蟲名為怪蟲昔時拘繫無辜咸仰首曰怪哉怪哉上天憤所生也必秦獄地按之果然又曰凡愁者得解以酒

灌之隨散

龍親家見水旱門

司城主簿

李知微宿都省夜聞呼馳道都尉司城主簿者見數小
人入古槐下一穴明日發視乃鼠耳

釀蜜蜂

樹宿含櫻烏花留釀蜜蜂含櫻烏鶯也

庚信

蟻載粒

符子東海有鼈冠蓬萊而浮游羣蟻相謂曰彼之冠山
何異我之載粒逍遙封壤之巔伏乎窟穴之下

銜窠藪

楊惲曰鼠不容穴銜窠藪也

青弁使者

青弁使者蜻蜒也

古今注

蟲緝絲

八月詞傍簷蟲緝絲向壁燈垂花

李賀

水蟲卸弩

廣記云水弩之蟲常自四月一日上弩至八月卸之見人影則射

蟬罇生

爾雅注蟬屬皆剖坼母背以為孔罇而生

步屈

尺蠖一名步屈

鳴砌

蚓謂之鳴砌亦謂之歌女古今注

朱浚元

有人得朱虵放之後來致謝稱進士朱浚元幽怪錄

仙鼠

蝙蝠謂之仙鼠古今注

蠅豹

蠅虎謂之蠅豹古今注

蟻城

有冉端者因營堊掘地遇蟻城方丈城壘皆具若雕刻
中有街徑樓閣二大蟻居樓閣中一紫色足翅皆如金
酉陽雜俎

蜉蝣王

徐玄之夜讀書見人物如粟數百皆具甲冑擁一紫衣
者行案上傳呼曰蜉蝣王欲觀於紫石潭見魚數十硯
中皆獲小魚玄之大駭以書冊覆之照看皆無

鳴蛇

山海經鮮水多鳴蛇其狀如蛇其音如磬四翼見則其

邑大旱

駁蝦

南都賦駁蝦蟇蛇駁大也爾雅注蝦大者長一二丈

飛生

鼯鼠一名飛生 上林賦注

黃要

郭璞云穀似鼯而大要以後黃一名黃要食獼猴

熠燿

秋興賦熠燿燿燿於階闥蟋蟀鳴乎軒屏注熠燿螢也

蜚蜚蜿蜿

嘯賦蜚蜚蜿蜿龍蛇之貌

赤蟻若象

赤蟻若象玄蜂若壺

離騷

黃犢舍

蝸牛螺蟲之有角俗或呼為黃犢舍

唐公鼠

唐君字公房白日昇天鷄鳴天上犬吠雲間唯以鼠惡
留之鼠乃感激自出其腸胃時人謂之唐公鼠

巨斧

充豫間蟪蛄為巨斧

出方言

笛師

蜂燕趙間曰蠓蠖音蒙翁其小者謂之蠓蠖小而蜜者
謂之壺蜂注云穿竹木作孔有蜜者又謂之笛師

夜遊女子

夜遊女子螢火也此伏尸之精燒香辟之若入人家其
色青者吉紅者有禍殃

玉箱雜記

飛軍糧

飛軍糧蜂子

伏翼

伏翼蝙蝠也

地蟻

黃帝得土德黃龍地螾見注丘蚓也音引漢志

短狐

漢五行志云蜮生南越又云短狐即蜮也在水旁能射人南方名短狐注射工也亦名水弩

青喉蟬

白若白鷺鮮清若清喉蟬李白

豹文鼠

豹文鼠終軍以爾雅辨其名而受賜

蝦蟇

墨子曰禽子問曰多言有益乎曰蝦蟇日夜鳴口乾而人不聽之

蛇醫

蛇醫方言蝮蜥也

曹氏子

齊人曹氏子乃蟻螬

出宣室志

日兩倚見方技門

龍門

雲螭

雖欲騰丹谿雲螭非我駕注雲螭龍也

郭景純詩

澆澆

魚龍澆澆山鳥羣飛上士咸下助肉切魚龍游水聲

嵇

叔夜

龍有五種

龍有五種一象形二虵形三馬形四魚形五蝦蟆形

三種過患

龍有三種過患一熱沙墮其頭二以蛇形行欲三有金翅鳥畏又有一苦以風吹寶衣露身生苦

不能變形

四分律文中說諸龍初生時睡時瞋時行欲時不能變形餘時皆能變形

多舌龍

德又迦龍王舊云多舌龍由多言故此是第六般若波

羅蜜門善說多法故云多舌託此龍位寄顯法故

射獵門

雙鷓

列子蒲子之弋連雙鷓於青雲之際

飛土逐肉

古人彈歌曰斷竹續竹飛土逐肉

穀者

漢書發似飛穀者注謂能張弩者

忘歸

左攄繁弱右接忘歸繁弱弓名忘歸矢名

嵇叔夜

尉羅

寄言尉羅者寥廓已高翔尉音尉所以張捕

謝玄暉

馳馳

馳馳未能半雙兔過我前

曹子建

接飛鳶

餘巧未及展仰手接飛鳶

曹子建詩

輕繳

高鳥未挂於輕繳注繳矰射也

曹子建表

飛羅修罟

音旻網也布飛羅施修罟

七命

毛林丹薄

藪為毛林隰為丹薄言田獵殺多也

七命

解勞

韓偓出獵歸詩紅袖擁門持燭炬解勞今夜宴華堂

贊獲

贊獲一聲連朔漠
賀正環騎無優倡

韓偓

射雉翳

掃掠走馬路
整頓射雉翳

平聲李義山詩

走狗塘

走狗塘
鶴陂墟
狶巷
皆吳王田獵之地

平江圖經

鶴陂墟

見上

雙鶻

射詩雙鵲摧孔雀一矢殞貪狼

九規

射詩百步望雲立九規看月張叙神堯皇帝之射

龍臂

龍臂勝猿臂星芒起箭芒

銀鐫

薛逢獵詩金鞍俯鞚塵開處銀鐫離弦中瑟聲

打圍

山谷謝獐肉果然口腹為灾怪夢去呼鷹雪打圍

素支

赭白馬賦歷素支而冰烈注云射的也

寧不食

後魏咸陽王坦好田獵曰吾寧三日不食不能一日不獵

聞弦虛墜

折翮翻飛隨轉蓬聞弦虛墜下霜空

李白

行圍

江沙橫獵騎山火繞行圍

李白

五茸

陸魯望詩三茆涼波魚鮑動五茸春草雉媒嬌注陸士衡對晉武帝三茆冬溫夏涼五茸吳王獵所

射雉場

東昏置射雉場二百九十六處翳中帷帳及步障皆裕以綠紅金銀鏤弩牙瑇瑁帖箭

獲車

田獵收所得禽以實獲車

獲旗

田獵建獲旗

射侯制

射侯制上廣下狹取象於人也張臂八尺張足下六尺

梁鄒

制同乎梁鄒義合乎靈囿東都賦天子田獵地名也毛

詩傳曰古有梁鄒者天子之田也

割鮮染輪

子虛賦割鮮染輪言田獵其血染車輪也

垂天畢

荷垂天之畢張竟野之罟

羽獵賦

媒翳

潘安仁射雉賦因講肄之餘而習媒翳之事

兩禽連

左挽因右發一縱兩禽連

曹子建

東津南圃

魏文帝詩校獵東橋津又張衡羽獵賦曰夏遙集乎南

圃

弋高雲

弋下高雲之鳥餌出深淵之魚

應休璉書

矰繳

矰繳繳之若反矰矢射也亦作繳曹子建曰高鳥未挂

輕繳上音曾下音酌鄭玄曰結繳于矢謂之矰矰高也

漁釣門

漁師

王泓之釣于上虞江或問漁師得魚賣否

簍苓

上蘇挺切下音令竹器也山谷詩云漁父懸網投簍苓

篠苓

釣者以獨繭絲為綸芒針為鉤荆條為竿剖粒為餌

桂餌

初學記有以桂為餌

翠綸

閼子曰垂翡翠之綸

宿沙

魯連子云古善漁宿沙渠子使漁山側雖宿沙子不得漁焉宿沙非暗於道也彼山者非魚之所生也

釣師

人間幸有簑兼笠且上芳舟作釣師

林逋詩

漁墅

林逋雪詩寒連水石明漁墅猛共松篁壓寺歸

曳寒繭

陸龜蒙手捉孤篁曳寒繭言釣也

玄洲

宋玉釣賦云玄洲天下善釣者也

八絲線

玄洲以三尋之竿八絛之線以出一二尺之魚

施技

玄洲因水勢而施技

仁義為釣

禹湯之釣以賢聖為竿節德為綸仁義為釣利之為餌
四海為池萬民為魚釣道微也

白鷺縷

爾雅疏白鷺頭翅上皆有長翰毛今江東人取以為捷

攤名之曰白鷺縷

百囊罟

爾雅注綬罟者今之百囊罟也九罟者魚之所入有九囊也

曲梁

詩魚麗于留注曲梁也其功易故謂之寡婦之笱

採捕郎

藥孟應阻蟹螯香乞與江邊採捕郎

謝寄蟹

漁鮑

三茆涼波漁鮑動五茸春草雉媒嬌

注見前

扈葉

吳都記江濱漁者插竹繩編之以取魚謂之扈葉

沈絲

沈絲結飛增注沈絲漁網也

捕魚翁

捕魚翁龜蒙詩

蟹斷

音鍛

江東云蟹稻之登也率執一穗以朝其魁然後任其所之蚤夜曹沸指江而奔漁者緯蕭承其流而障之名曰蟹斷斷其江之道故焉耳

陸龜蒙蟹志

半尺鱸

寄淮南鄭賓書記清詞醉草無因見但釣寒江半尺鱸

釣具

寒衣釣具脰

編霜莢

編霜莢緝寒茅

出沈休文

漁兄漁弟

漁兄漁弟喜到來

李夢符漁父詞

草門

苔蘚門

書帶

三齊記鄭玄教學處有草如薤而細俗謂康成書帶

葳蕤

選百卉挺歲粧注初生之貌也

王仲宣詩

陽卉腓

淒淒陽卉腓音肥言風霜慘淒草木色皆病也

蘭薄

遠巖映蘭薄白日麗江皋薄叢也江皋江曲也

謝靈運

皋蘭

皋蘭被徑路澤畔曰皋

阮嗣宗

忘歸草

安得忘歸草言樹背與襟忘歸草即忘憂草也

青青河畔草

離離山上苗青青河畔草

選古詩

芳荃

忘歸屬蘭杜懷綠寄芳荃

沈休文詩

泣離

塘上行泣離生幽渚微芳不足宣泣泣離香草也喻婦

人居幽閑之室德微不足奉君子也

陸士衡詩

紅藥

紅藥當階翻蒼苔
依砌上
謝玄暉詩

蘼蕪

相逢詠蘼蕪
辭寵悲團扇
古詩上山採蘼蕪
下山逢故

夫
蘼善本作靡
謝玄暉詩

綠錢

賓階綠錢滿
客位紫苔生
古今注苔蘚一名綠錢

霜根

仲秋邊風起孤蓬卷霜根

王僧達詩

被幽崖

綠竹夾清水秋蘭被幽崖

魏文帝詩

宿莽

夕搴洲之宿莽草經冬不死曰宿莽莽音姆宿草也

蕙茝

茝香草也昌亥切一音齒

離騷

九畹蘭

余既滋蘭之九畹兮又樹蕙之百畝三十畝曰畹上

菰蘋

菰蘋齊葉白芷生

藿靡

藿草藿靡注華敷貌

神諦

仰折神諦俯采朝蘭音囂香草

臯蘇

王朗書云雖復萱草忘憂臯蘇釋勞年以過也

神護草

神農本草常山有草名神護置之門上每夜叱人

白氍

白氍徒葉切草也出高昌國粗者名吉具細者名白氍

昔邪

瓦松也在屋曰昔邪在牆曰垣衣梁簡文詠薔薇詩云

緣階覆綠綺依簷映昔邪

夢草

漢武帝時異國所獻畫縮入地夜若抽萌帝思李夫人

懷之輒夢

洞冥記

草盤青

半欄花藉田一徑草盤青

夫須

臺草一名夫須可為簑笠南山有臺是也

水英

爾雅云芹楚葵注水中芹菜本草一名水英

鷗腳莎

爾雅云菰玉芻郭景純云菰蓐今呼鷗腳莎詩瞻彼淇

澳綠竹猗猗是也

蘼色

劉昭禹詩蘼色圍波井花陰上竹樓

不成錢

水凍菖蒲未生節關寒榆莢不成錢

兔葵

兔葵苗如龍芮花白莖紫

燕麥

燕麥草似麥亦曰雀麥

夜光芝

華陽洞有五種夜光芝

豐草蔓

女蘿施詩四月秀蔓盛貌也

燕胎芝

茅君傳句曲山有神芝名燕胎芝紫色狀如燕欲飛食
一株為太清仙正一郎中

燕尾香

蘭葉尖長有花紅色白俗呼為燕尾香煮水浴療風

馬蹄香

馬蹄香杜衡也葉似葵形如馬蹄

千步香

南海貢千步香佩之聞千步今海隅有千步草是其種也

萱蘭訴

修竹彈甘蕉文云有臺西階澤蘭萱草到園同訴言陽景所照由來無隔而甘蕉攢莖布葉獨見障蔽雖處臺隅遂同幽谷

蒹蘭

俠嘉夜蒹蘭芳俠與挾同嘉夜芳草也蒹卽今白蒹

昌

改反

俗草

枝下無俗草所植唯蘭蓀

卷施草

贈君卷施草心斷竟何言李白詩此草拔心不死

菴蘭鞋

清英神仙骨芬馥菴蘭鞋

蕨枝拳

不知舊行徑初拳幾枝蕨

流草

流草蓬也病草艾也

忍草

清香惹苔蘚忍草雜蘭孫

媚草

述異記媚草鶴子草也蔓生色淺紫蒂形如飛鶴春月生雙蟲食其葉越女收養蟲老蛻為蝶帶之號媚蝶嶺

表異錄

寡婦莎

述異記秦趙間有相思草節節相續又名斷腸草孀婦

草寡婦莎

無情草

范陽貢無情草使人無情

雜俎

睡草

又桂林有睡草見之則令人睡一名醉草亦呼懶婦歲

懶婦歲見上

澤葵

又苔錢亦謂之澤葵又謂之重錢草亦呼宣蘇南人呼
妬草

重錢草見上

蘇陣

鶴毛橫蘇陣蟻穴入莎根

采華草

太極山有采華草服之通萬里言

苔絮

手牽苔絮長萼花

菱絲

釣魚詩菱絲縈獨壘蒲米蟄雙魚又詩病容扶起種菱絲

湘蕤皓本

武夷記武夷君食之注湘蕤苻也皓本根也

榮榮

榮榮牕下蘭密密堂前柳

羊齒草

本名繇馬細葉葉蘿生而毛有似羊齒今東人呼為鴈
齒綠者以取繇緒也

連錢符

太液池有連錢符

洞冥記

躡空草

烏菴國有草如芥葉食之能行空中號躡空草

洞冥記

太陽草

天老曰太陽草服之長生即黃精也

博物志

鼠莞

纖細似龍須可以為席蜀中出好者

地血

茜草可染絳陸機云一名地血

皤蒿

詩云予以采繁毛傳云皤蒿也郭氏云白蒿又云葉似
艾上有白毛粗澀俗呼為蓬蒿可以為殖

布護

蘼芜布護於中阿音護

留萸

雜以留萸草也

幽蘭

雪賦以幽蘭儷曲

蘭猗靡

藉蘭皋之猗靡

香掩掩

越香掩掩言草木之香發越也

幽薄

白華朱萼被于幽薄白華絳趺在陵之陬

平蔚

原薄信平蔚

蘭苕

翡翠戲蘭苕

相因依

菱荷迭映蔚蒲稗相因依

朱柯

西京賦櫨靈芝之朱柯

綠葉紫莖

秋蘭兮青青綠葉兮紫莖

甜娘

甜娘草名廣南人造酒多用之

合歡

合歡蠲忿萱草忘憂崔豹古今注曰合歡樹似梧桐枝葉繁互相交結每一風來輒自相離了不相牽綴樹之階庭使人不忿也

萱草

見上

九衢之草

九衢之草千計其枝交錯相重九出也山海經少室之
山有木焉名曰帝休其枝五衢其花黑實服者不怒

木門

樹林野燒附

鞞鞞佉

龜蒙詩手攜鞞鞞佉若在中印國鞞布頂反鞞大各反
唐言楊枝也

陽林

白雪停陰岡丹葩曜陽林

左太沖

九秋幹

心契九秋幹目覽三春萸

謝靈運詩

阡阡

遠樹曖阡阡注茂美貌也

前林

秋風吐商氣蕭瑟掃前林

張孟陽詩

梢梢

梢梢枝早勁塗塗露晚晞梢梢勁強無葉之貌塗者厚

也 謝玄暉詩

脩薄

谷風拂脩薄油雲翳高岑注草木叢生曰薄

陸士衡詩

鳴鳳條

假翼鳴鳳條濯足升龍淵謂梧桐也

枌欂

揮手告鄉曲三期載歸旋且為樹枌欂無令孤願言

謝

靈運

八桂

天台賦云八桂森挺以凌霜

長楸

鬪鷄東郊道走馬長楸間

魏文帝詩

豐條

豐條並春盛落葉後秋衰

陸士衡詩

蕭森

谿壑無人迹荒楚鬱蕭森木叢生曰楚蕭森條長貌

張

景陽詩

槭槭

槭槭芳葉零葉葉芬華落槭所隔反落葉聲
盧子諒詩

萬年枝

風動萬年枝日華承露掌萬年枝木名

平楚

寒城一以眺平楚正蒼然
已上並謝玄暉詩

玉階樹

切愁涼風至吹我玉階樹

班婕妤

宿楚

青苔日夜黃芳雜成宿楚叢木也

張協詩

翳薈

促鮮之遊汀渟短羽之棲翳薈

鼎足松

平江學中有十題曰辛夷百幹黃楊公堂槐鼎足松雙
桐石楠龍頭檜蘼水檜泮池玲瓏石或云蘇子美嘗掌

學命名也

三榮三悴

晉陽都城北角有槐木一日之間三榮三悴

陽葉陰條

陽葉春青陰條秋綠

小棠

詩甘棠注云棠杜也一名杜梨而小也召伯不欲勞民止舍於小棠之下而斷訟焉

三眠柳

李義山賦豈殊河畔牛星隔歲才聞一過未若苑中人
柳終朝剝得三眠注漢後苑中有柳似人形一曰三倒
三起

蒼官

樊宗師絳守居園記云有柏蒼官青士環列與槐朋友

稚杉

見竹門

拘尸陀

雜拘尸陀樹見月光即開

鴈翅檜

李德裕平泉花木記有鴈翅檜葉婆娑如鴈翅也又有
珠子柏實如珠子生葉

林光

林光稱避暑引伏出郊行

張正見上之回

君子樹

梁元帝芳人詩芬芳君子樹交柯御宿園

柳半眠

煙柳半眠藏利臉
雪梅含笑綻香唇

松釵

長松夜落釵千股
小港春添水半腰

韓偓詩

殺羊角

江東謂皂莢為殺羊角

衙枝

穗柏一枝衙枝偃
覆疑四達之枝也

鳳條

酉陽雜俎人有折博陵君豹山園桐枝者公曰何為傷我鳳條

端正樹

玄宗發馬嵬至扶風道上有石楠樹團團愛翫云呼為端正樹蓋有所思也

嘉林

傳曰有神龜在江南嘉林中嘉林者獸無虎狼鳥無鴟

梟草無毒螫野火不及斧斤不至是為嘉林

守門閭

松柏為百木長而守門閭

五大夫

始皇上太山立石封祠祀下風雨暴至休於樹下因封其樹為五大夫

麴塵絲

江邊楊柳麴塵絲

松籟

但將松籟延佳客常帶嵐霏認遠村

林逋詩

暗黃

正月樂詞上樓迎春新春歸暗黃著柳宮漏遲薄薄淡

靄弄野姿

李賀詩

秋香

畫欄桂樹懸秋香三十六宮土花碧

李賀

古香

山頭老桂吹古香

五衢枝

山海經少室之山上有木焉名曰帝休其枝五衢注枝

五出如路

黃夾櫨林

白樂天詩黃夾櫨林寒有葉碧琉璃水淨無風

柳一渦

太平州作歐靚霄支柳一渦

負霜柏

負霜柏一作宜霜柏

鼠梓

鼠梓其樹葉木理如楸也

攝攝

說文云楓木厚葉弱枝善搖一名攝攝

守宮槐

郭云槐葉晝日聶合而夜炆布者名守宮槐

梓實桐皮

陸機云梓實桐皮為椅

女桑

郭云今俗呼桑樹小而條長者為女桑詩云椅彼女桑是也

松葉柏身

爾雅曰樅松葉柏身檜柏葉松身

左人精

柏木也

右人精

松木也

鬼老

槐木也

舞兒腰

榆穿菜子眼柳斷舞兒腰

楓子桐孫

庾信詠樹詩楓子留為式桐孫待作琴

一霜兩霜

一霜兩霜猶可當五晨六旦颯已黃梁豫章王綜悲落

葉詩

百木長

史記松柏為百木長也而守宮闕

姑榆郎榆

廣志有姑榆郎榆郎榆無莢

濟南榆

應璩與龐惠恭書曰頻見所上利民之術植濟南之榆栽漢中之漆

朝菌

朝菌謂之朝華亦謂之木槿亦謂之白及亦曰舜華

帝梧

張正見鳳棲梧詩云丹山下威鳳來集帝梧中

天上樹

李紳詩序新昌宅書堂前有藥樹一株今已盈拱則長
慶中於翰林院西軒藥樹下移得纔長一寸僕夫封一
泥圓以歸植今則長成名之曰天上樹詩云白榆星底
開紅甲珠樹宮中長紫霄

鬼庭

柏者鬼之庭也注言鬼神尚幽暗以松柏為庭府

千千萬萬

千千石楠樹萬萬女貞林

榮柯

衆鳥集榮柯

鬱金枝

燕趙青青遊子悲河堤弱柳鬱金枝

情深樹

題情深樹寄象公詩云腸斷枝上猿淚添山下樽

引東枝

漢陽江上柳望客引東枝

桂子落

還聞天竺寺夢想還東越
每年海樹秋桂子落秋月

攢叢

黃山過石柱巘峯上攢叢

綠玉樹

李白贈王屋山人魏萬詩
君來幾何時仙臺應有期東

窓綠玉樹定長三五枝

森柯

積雪照空谷悲風鳴森柯

繇幕

南軒有孤松柏葉自繇幕

君遷樹

陸龜蒙寄南海同年詩庭中必有君遷樹莫向空臺望漢
朝交州記有君遷樹有朝臺尉他望漢所築也

叢條疊穎

叢條瞋胆疊穎怒魄

椰葉無陰

椰葉無陰檳榔無柯

丰茸

雪後朝寒猶凜冽柳梢春意已丰茸

柳絲絲

張蓋欲判江灩灩迴頭更望柳絲絲

白甲蒼髯

雙龍對起白甲蒼髯煙雨裏

東坡咏松

霜下傑

淵明芳菊開林耀青松冠巖列懷此貞秀姿卓為霜下傑

厄閏年

東坡詩黃楊厄閏年自注俗說黃楊歲長一寸遇閏退三寸

女兒腰

子美詩隔戶垂楊弱嫋嫋恰如十五女兒腰

甘木

西都賦竹林果園芳草甘木

枏櫚

枏櫚上林賦注曰椶也其皮可為索

女貞木

女貞木葉冬不落

上林賦

連抱

長千仞大連抱言木之大也

上林賦

落落長松

陰落落之長松

天台賦

桐乳

空門來風桐乳致巢注桐子似乳著其葉而生鳥喜巢
其中也

椅梧

椅梧桐也

琴賦

玄木

玄木冬榮 高唐賦

密微微

密微微其清閑言木之密葉微微然幽邃 琴賦

林藹藹

瞻彼崇丘其林藹藹 補亡詩

蘭林

結風佇蘭林 陸士衡

摩蒼天

脩條摩蒼天

魏文帝芙蓉池詩

葉卷

攀林摘葉卷葉初生未展

謝靈運

暖阡阡

遠樹暖阡阡美貌

謝玄暉

樹扶疎

繞屋樹扶疎

陶潛詩

故藪

孤獸思故藪離鳥悲舊林

陸士衡

不死木

不死木食之令人長壽

出柳州

百籟吟

百籟坐自吟

張景陽

造天

松柏豫章條上造天七發

藤輪

李德裕詩松蓋低春雪藤輪倚暮山

帶癭松

吾看有花樹不及帶癭松

赤燒

獨鳥青林暮驚麕赤燒殘

溫庭筠

突波羅樹

突波羅樹出梧州安折縣壅腫盤結堪以為器

豫章似枕

譬之豫章七年然後可覺耳延叔堅曰豫章與枕木相似須七年乃可別枕音尤

千仞無枝

魯連子曰東山有松千仞無枝

神王一丘

符子云陰百丈之松蕭蕭然神王一丘

十里香

述異記千年松香聞十里外一名十里香

香林

其土唯松檜檉柏每風拂脩林則香聞數里傍有古僧塔人疑其異因號香林石塔

玉女幢

木葉細長自根而上皆成層級故名玉女幢

飛仙蓋

木高無枝其末下垂如蓋

出九華

仙掌扇

其木葉如扇兩相合如掌

櫟槐

櫟槐上古回反又戶垂反槐之別名下戶灰戶垂二切
爾雅云槐葉大而黑為櫟又守宮槐葉晝日聶合而夜
布

冬殞木

五嶺無冬殞之木

嵇叔夜養生論

雜花門

蒼蘂花

蒼蘂花即今山梔子花也佛說譬如入蒼蘂林中唯聞
蒼蘂不聞餘香禪月詩云白蒼蘂花露滴滴山谷云染
梔子花六出雖香不濃郁山梔子花八出一株可香一

園

薜榮

薜榮不終朝蜉蝣豈見夕注薜蘂花也朝榮暮落詩顏
如薜華 郭景純詩

丹榮

曲池揚素波列樹敷丹榮謂花也

王仲宣

葉藥

槭槭芳葉零藥藥芬花落垂落貌

盧子諒詩

歸華

歸華先委露別葉早辭風

鮑明遠

瓊藥

上山采瓊藥窮谷饒芳蘭玉英也

木蕖

木蕖芙蓉也山谷詩紅裝滿院木蕖秋

具多

嵩山記漢世有道士從外國將具多子來於嵩高西脚上種有四樹與衆木異一年三花白色香美

巴苴

漢書注巴苴一名芭蕉

優曇花

同上見佛僧門

好行市

石竹花詩莫管金錢好行市寂寥相對是山家陸魯望詩如今莫共金錢鬪買斷秋光是此花

後庭花

蘇黃門詠鷄冠花詩云後庭花草盛憐汝繫興亡注或言矮鷄冠即玉樹後庭花

菖蒲花

菖蒲花可憐聞名不相識

藥氣

豔歌行雲楣桂成戶飛棟杏為梁斜窓通藥氣細隙引

塵光

小菴

漸蔓墜長茸烏花垂小菴

摘索

陰沈天氣連翩醉摘索花枝料峭寒

林逋詩

紅髮鬣

欄藥日高紅髮髻

反聲李義山

醪醪

醪醪本作稌糜後又加酉

媽香

李賀南園詩可憐日暮媽香落嫁與春風不用媒

造紅蘭

葍收既斷翠柳青帝又造紅蘭

一作欄李賀

四照花

山海經招搖山有木狀如穀而黑理其花四照

紫冠黃鈿

紫冠黃鈿網絲窠蝶繞蜂圍奈晚何注紫冠鷄冠黃鈿

黃菊

山谷詩

花精

吳越錢仁傑忠懿王之從兄酷好種花人號花精

越史

御衣黃

劉貢父芍藥品為絕品第一高廣六七寸淡黃色葉端

微碧細葉上聳葉散出間葉販花劉氏得此種於北方
其次黃樓子黃冠子金線髻子鮑黃玉逍遙皆絕品

會三英

會三英下品色紫或紅多葉而二頭上品三色紅

落紅滋

懷君芳歲歇庭樹落紅滋

李白

破顏花

池開照膽鏡林吐破顏花

李白

百兩金

本草牡丹一名百兩金又曰鼠姑

紅梨花

峽州署中有千葉紅梨花無人賞者知郡朱郎中始加
欄檻命坐客賦之

兒女花

種菊詩云種花莫種兒女花老大誰能逐年少

鹿蔥

風土記云鹿蔥宜男草也宜懷妊婦人佩之必生男嵇
含賦序云荆楚之士號鹿蔥

艷中閑

榴詩繁中能薄艷中閑

杜牧之

三春萸

心契九秋翰目翫三春萸

謝靈運詩

芙蓉媒

楚辭因芙蓉而為媒

罷花

堦蕙漸翻葉池蓮稍罷花

何選詩

山琵琶

駱谷中有毒樹曰山琵琶其花明艷與杜鵑花相似
樵者曰早花殺人李紳詩云澗底紅花奪火然搖風有毒
愁行客

露英

飲若木之露英注花之含露英

甘泉賦

春翹

翫春翹而有思注翹英也

思舊賦

晨葩

晨葩朝華也

補亡詩

日及花

但看日及花唯是朝可憐槿花也

施肩吾詩

綠葉紫累

綠葉紫累朱莖白蒂裹去聲實皮也

高唐賦

絳趺朱萼

白華朱萼被於幽薄白華絳趺在陵之陬

補亡詩

狗脊花

施肩吾春日贈臨平湖主人云池塘已長鷄頭葉籬落
初開狗脊花

金步搖

金步搖叢生其花四出皆偶對無風常搖蓋幹弱而枝
繁也

玉纓絡

其花圓潔如真珠散綴柯條

南大竹

木虛中疎節如竹春青夏碧秋冬紫

鉢囊花

其花生葉之上

櫻欲然

野棠開未落山櫻發欲然

沈休文詩

花匝樹

開花已匝樹流鶯復滿枝上

菊有芳

蘭有秀兮菊有芳

秋風詞

桃李酣酣

遙想故園陌桃李正酣酣

李義山

菊門

時菊

常恐鷹隼擊時菊委秋霜

落英

憩石挹飛泉板林寥落英寥居偃反

沈休文

散金

青條若總翠黃花如散金

東籬

采菊東籬下悠然見南山

陶詩

紫冠黃鈿

見雜花門

菊未莎

杞菊賦云爾杞未刺爾菊未莎其如予何

制頽齡

酒能祛百慮菊為制頽齡

陶詩

苦蕒

陶隱居云菊有兩種一種莖紫氣香而味甘葉可羹食者為真一種莖青而大作蒿艾氣味苦不堪食名苦蕒非真也

出補注本草

陰威

陰威本草菊名

汎寒榮

寥菊汎寒榮

李白

蓮門

芬陀利

梵語芬陀利此言白蓮花也涅槃經云如來之身非胎所污如芬陀利花本身清淨故也

並目蓮

青陽樂府云青荷蓋綠水芙蓉發紅鮮下有併根藕上

生並目蓮

水花

李賀水花晚色淨庶足充淹留古今注芙蓉亦名水花

雙南

王禹玉白蓮詩莫將試輕步彫刻任雙南

波頭摩華

赤蓮花也

優鉢羅花

青蓮花也

綠房紫的

芙蕖也

迭映蔚

菱荷迭映蔚蒲稗相因依

田田葉

雖無田田葉及爾泛漣漪古樂府云江南可采蓮蓮葉

何田田

陸韓卿

卷葉荷

白樂天晴沙金屑色春水麴塵波紅簇交枝杏青含卷

葉荷

梅門

南枝

六帖大庾嶺上梅南枝落北枝開

培堆

梅花詩一枝臨路雪培堆

月老

林逋梅詩任教月老須微見却為春寒得少留

玄冥節

韋莊梅詩不隨妖豔開獨媚玄冥節

竹門

此君

世記王子猷每假人宅必種竹人詰之曰不可一日無此君

初篁

初篁苞綠籜新蒲含紫茸

謝靈運

斤竹

謝靈運有從斤竹澗越嶺溪行詩

竹花

竹花何莫莫桐葉何離離言鳳所棲宿也

范彥龍

冉冉

冉冉孤生竹結根泰山阿冉冉漸生進貌阿曲也

愛竹及酒

見酒門

祖竹

吳融詩祖竹定欺簷雪折稚杉應拂棟雲齊

叢篁

時佐堯詩叢篁宿鳥喧

天簫

荊州記天門角上各生一竹倒垂下拂謂之天簾

剝竹

音果割也文粹有剝竹記

亞梢

粉竹亞梢垂宿露翠荷差影聚游魚

玉差差

韓丕秋竹詩風韻曉生泉細細月華霄泛玉差差

竹籟

林逋春夕詩微風引竹籜斜月轉花陰

竹子

張廣神異經云竹子笋子

出談助

竹笑

竹得風其體大屈謂之竹笑

煮簣

六雲笑林云漢人適吳吳人設簣問何物曰竹也歸煮其簣不熟曰吳人欺我哉

談助

報竹平安

李衛公言北都唯童子寺有一窠纔長數尺公書與維
綱每日報竹平安

偷筍

偷筍閭閻人隔離必埋狸於家牆下明年筍自迸出一

本作埋猫

沙門贊寧筍譜

紫雲蓋

紫雲蓋慈竹也

赤玉脂

赤玉脂桃竹也

青蛇枝

青蛇枝苦竹也

紅鵲尾

紅鵲尾青竹也

篋席

尚書顧命曰敷重篋席孔安國曰桃枝竹

敲劄 客八反

蕭騷寒雨夜敲劄晚風時

杜牧之

貞幹臣

梁沈約修竹彈甘蕉文曰長淇園貞幹臣脩竹稽首云

瀟洒侯

溪山自是清涼國松竹合封瀟洒侯

陸龜蒙

九種竹

成都出十色牋九種竹

夜鳴秋

池花春映日窓竹夜鳴秋

李白詩

慈姥竹

李白有姑熟十詠姑熟溪丹陽湖凌歊臺慈姥竹望夫山謝公宅桓公井牛渚磯

竹約

說文竹節曰約

檀欒蟬娟

一緣反

檀樂蟬娟皆美貌

梢雲

無以踰言其高梢雲

慈母竹

江圖曰江寧縣慈母山生竹作簫笛有妙聲

鐘籠

惟鐘籠之奇生兮于終南之陰崖
注音鐘籠竹譜曰竹名也

雪封枝

秋潦漱其下趾冬雪樛封乎其枝樛音團

汶陽孤篠

鄒魯之珍有汶陽之孤篠

節竿勁

鮑明遠詩嚴秋節竿勁

竿公旱反

碧鮮

令狐楚齋中栽竹地窓邊素壁初開見碧鮮

高苦竹

梧州思安縣多竹有黃苦竹白苦竹之名東越謂之高苦竹

八月春

贊寧竹譜竹根曰鞭以鞭行時八月為春二三月為秋凡百穀皆以始生為春熟成為秋也

蛇祖龍孫

梅堯臣詩蛇祖龍孫生產後

龍生日

岳州風土記岳人五月十三日謂之龍生日可種竹即齊民要術竹醉日也

問訊

杜甫何將軍山林詩問訊東橋竹將軍有報書

易根

雜俎竹六十年易根則結實枯死

花蘄

談助竹將枯死花復乃懸

僧體盤飧

僧體盤飧惟笋味

魏野詩

果實門

都蔗

曹植詩云都蔗雖甘杖之必折巧言雖美用之必滅晉
張協有都蔗賦

塗林

陸機與弟書云張騫為漢使外國十八年得塗林塗林
安石榴也

含桃

含桃櫻桃也呂氏春秋注以鶯鳥所含故名之禮仲夏
含桃薦寢廟

胡甘

風土記橘柚之甜美有類者謂之胡甘

木奴

李衡種柑橘千樹號千頭木奴言利博也

沙棠

前庭樹沙棠

芳梨

茂林列芳梨

上並潘安仁詩

南甘北橙

在南稱甘度北則橙言生於江南則為甘而芳香種於
北地則為橙枳亦猶人之變節

潘安仁詩注

華果

靈囿耀華果通衢列高椅

山櫻

野棠開未落山櫻發欲然

沈休文

五色瓜

見枕簟門

辰日瓜

瓜宜辰日種山谷兄大臨詩云夏栽醉竹餘千个春糞

辰瓜滿萬區

四剖三離

劉楨瓜賦析以金刀四剖三離承之以雕盤纂之以纖

絺

崖蜜

鬼谷子照夜青螢也百花醴蜜也崖蜜櫻桃也

二花梨

一歲二花梨

三節蔗

一丈三節蔗

湖目

湖目蓮子也

越王頭

椰子為越王頭壺樓為杜預頭

柿七絕

俗謂柿樹有七絕一壽二多陰三無鳥窠四無蟲五霜
葉可翫六有嘉實七落葉肥大

蓮苞

夏雨蓮苞破秋風桂子彫

張祐天竺寺詩

栗罇

風剪荷花碎霜凝栗罇開

耿緯詩

傷荷藕

唐世蘇州進藕其最佳者名傷荷藕或曰葉甘為蟲所傷或曰故傷其葉以長根也

綠帶金衣

宰臣賀蓬萊宮甘子結實表云綠帶含霜芳流綺殿金
衣爛日色麗彤庭

梅林饒子

魏武行役失道三軍皆渴乃令曰前有大梅林饒子甘
酸可解渴聞之口皆出水遂得進前

仲思棗

仲思棗長四寸五寸圍紫色亦名仙水棗

韓終李

琳園生玉李韓終嘗食之號韓終李

菱翻雞

玄都有翠水水中有菱狀如飛雞謂之翻雞菱

菱菱

武陵記四角三角曰菱兩角曰菱一名水栗一名蘼

味諫

山谷謝惠橄欖詩方懷味諫軒中果忽見金盤橄欖來
想共餘甘有瓜葛苦中真味晚方回注戎州蔡次律家

軒外有餘甘余名之曰味諫

生人髮

生人髮掛果樹烏鳥不敢食其實

連二

劉貢父瑞荷詩連二彫成碧玉盤合歡裁作青油扇

鹿梨

鹿梨亦名鼠梨山梨也今人有種者其味極甘美

荆桃

荆桃郭璞云今櫻桃也

麥李

麥李與麥同熟故名

山檣

爾雅云梨山檣郭云言其在山之名則曰檣人植之曰梨

鑽梨

爾雅植梨曰鑽梨注恐有蟲故一一鑽看其蟲孔也

華瓜

瓜曰華瓜注華謂半破也降于天子破破而不四析也亦橫斷之而巾以綌也禮記為天子削瓜副之巾以絺

石阿措

崔玄微常遇數美人其一曰石阿措一曰封十八姨封即風神石即石榴也

土乳梨

土乳梨金鏈索牙樣索半斤李子皆帝苑中所植也

第果實名

李直方嘗第果實名如貢士者以綠李為首櫻梨為副櫻桃為三甘子為四蒲萄為五或薦荔支曰寄舉之首范暉以諸香品時輩侯朱虛撰百官本草皆此類也

國

史補

百子蓮

西王母見穆天子進素蓮一房百子

拾遺記

崆峒靈瓜

明帝時燉煌獻異瓜云崆峒瓜四劫一實

拾遺記

李如瓶

李少君言冥海之棗大如瓜種山之李大如瓶也

漢武

故事

五鬣松

松言兩粒者五粒者粒同言鬣自有一種名鬣皮無鱗
甲而結實多新羅取種世傳千歲萬頃平平偃蓋然有
數年輒偃但命根下遇石則偃耳萬頃蓋平偃耳

酉陽

雜俎

草龍珠帳

具丘之南有蒲萄谷有僧遊谷食蒲萄折一枝以歸挿地遂活明年結實極盛號草龍珠帳

同上

木威

橄欖獨根東向枝曰木威南向曰橄欖

同上

仙木

桃者五行之精能制百鬼謂之仙木 荆楚歲時記

虎踏瓜

陸機瓜賦云瓜有狸首虎踏玄肝素腕之名

崑崙

崑崙蔗蔗之赤者

羊角棗

鄴中記石季龍園中有羊角棗長一尺

雞心棗

梁簡文詩風搖羊角樹日映雞心枝已聞安邑美永茂

玉門垂

玉門棗

西王母與老子共食玉門之棗

安邑棗

魏文帝詔曰凡棗味莫若安邑御棗

杏實主穰

杏實主穰師曠占梅杏實多來年穰

三玄紫杏

南岳夫人傳仙人有三玄紫杏

文杏

西京雜記上林苑有文杏謂有文彩也

蓬萊杏

上林苑有蓬萊杏

西京雜記

魁栗

又云上林有魁栗

荔支五滋

庾肩吾謝檳榔無勞朱實兼荔枝之五滋能發紅顏類
芙蓉之十酒

青頭雞

青頭雞鴨脚也

似古賢

晉劉涓母答吳國書胡桃本生西羌外剛朴內柔甘質
似古賢欲以奉貢

含消梨

三秦記漢武樊川園有含消梨

蜜筒瓜

吳淑瓜賦甘號蜜筒

桂髓瓜

又芳稱桂髓瓜

土芝

嵇含瓜賦世云三芝瓜處一焉謂之土芝

黃色瓜

吳淑瓜賦黃色稱異

平蒂

又平蒂標奇

三玄柰

南岳夫人傳稱為西喬設三玄素柰

橘官

異物志交趾有橘官置長一人秩三百石主歲貢御橘

橘籍

吳閻澤表曰請除臣橘籍

橙橘戶

越多橘柚有稅謂之橙橘戶

黃甘守史

晉今閻中縣置黃甘守史一人

橘樹家僮

橘樹當家僮

盧綸詩

綠荔枝

綠荔枝戎州所出肉熟而皮猶綠

餘甘

餘甘青實狀如山李味若橄欖生于近郊者肉脆而虛其味薄生于馬湖者肉堅而實在戎州

高聰梨

高聰為幽州刺史以高肇黨廢于家斷絕人事唯修營園果世稱高聰梨以為珍異

東陵瓜

邵平者故秦東陵侯秦破為布衣貧種瓜長安城東瓜
美故世謂東陵瓜

朗公橘

岩種朗公橘門深五渡松

李白隱靜寺詩

霜梨

高僧拂玉柄童子獻霜梨

李白詩

白胡桃

李白白胡桃詩紅羅袖裏分明見白玉盤中看却無疑

是老僧休念誦腕前推下水精珠

飲霜栗

朝來果是滄洲逸酒提盤飲霜栗

三十子

陸龜蒙橘詩珍重更過三十子不堪分付野人邊王僧
辨嘗為荆南得橘一帶三十子以獻梁元帝

披黃苞

披黃苞以授甘注言剥之也

笙賦

鎮心瓜

南史鄭灼苦心熟以瓜鎮心劉子化詩七盤妙舞頻揮
汗五色嘉瓜互鎮心

金桃

貞觀間康國獻黃桃大如鵝卵其色如金亦呼為金桃

珠纓

凌花咀粉藥削縷穿珠纓

鴻頭

鴻頭排芡刺鵠殼攢瓊橙鴻頭芡別名

金菱銀栗

杜陽編咸通中開昌公主下嫁有金菱銀栗連珠帳却寒簾犀簾牙席蠲盆犀如意玉九鸞釵辟邪香

稜橙鄧橘

稜橙鄧橘南陽郡有稜縣鄧縣

蜀都賦

大谷梨

張公大谷之梨梁侯烏桺之柿注國侯有烏桺柿代傳

之閑居賦

周文棗

周文弱枝之棗房陵朱仲之李周文王時也

上

沈朱實

夏李沈朱實秋藕折輕絲

謝玄暉詩

火山

火山在梧州之南陽大江頂常有火光其上生荔支四

月熟

獼猴桃

洋州雲亭山生獼猴桃其甘酸食之止渴

荔枝奴

嶺表異錄荔枝過龍眼始熟故名荔枝奴言在後也

亞荔枝

龍眼一名亞荔枝

閩中第一

圖經荔枝閩中第一蜀川次之

置騎

楊妃嗜荔枝明皇置騎傳送走數千里

紫帔包

蕭嵩為丞相帝以紫帔包黃甘賜之帔巾也

丁香子

明皇命方士以藥傳荔枝根得核小宮人呼為丁香子

求黃甘

魏文帝征彭城遣送九種鹽并胡豉求黃甘

壺甘

崔豹古今注甘實形似石榴者名壺甘

建春山柑

東方朔云東南有建春山上多美黃甘

神異經

綠蒂含霜

綠蒂含霜金衣爛日

黃甘賦

分甘圖

明皇得合歡甘與宰臣分食之又令畫工畫分甘圖

金彈圓

神異山橘子大者如土瓜小者如金彈圓

璇星散

斗樞璇星散為橘柚

胡甘

本草柚酸者名胡甘

給客橙

花木志云給客橙出蜀土似橘而非若柚而香冬夏華

實相繼或如彈圓或如拳通歲食之名盧橘

盧橘

見上

刻根

圖經云橄欖生嶺南閩廣木高峻不可梯刻其根下方寸許納鹽于中一夕子皆落

益智

圖經龍眼一名益智言味甘歸脾而益智也

芡盤

退之詩平池散芡盤

栗如拳

上林有嶧陽栗大如拳本嶧陽都尉曾窀所貢

慰齒

韓偓禁中詩綠香慰齒冰盤果清冷侵肌水殿風

園圍門

修竹園

梁孝王有修竹園

芳甸

暄鳥覆春洲雜英滿芳甸

謝元暉

氛雜

園中屏氛雜清曠招遠風

謝靈運

花瀨

陸龜蒙自遣詩花瀨濛濛紫氣昏水邊山曲更容村終
須揀取幽棲地老桂雙成便作門

雙桂門

見上

花城

李賀三月詞東方風來滿眼春花城柳暗幾愁人複宮
深殿竹風起新翠舞衿靜如水

南圃北園

南圃無遺秀枯條盈北園

奴橘女桑

舊栽奴橘老新殺女桑肥

陸龜蒙

蘭皋

蘭皋皋澤也

蜀都賦

橙橘園

家有鹽泉之井戶有橘柚之園

上

瓜疇芋區

瓜疇芋區疇界埕也區畦也

上

蘭唐

蹂蕙圃踐蘭唐

注蘭生唐中也

羽獵賦

蘭路

清蘭路肅桂苑

月賦

繁園

惠風蕩繁園繁茂也

殷仲文

蘭野

蘭野茂萸英

顏延年

春王園

逍遙春王園躑躅千畝田晉宮閣名洛陽有春王園

芳林園

芳林園在青溪孤首橋東齊高帝舊宅

晏陰

塵事久謝絕園廬方晏陰

林逋

蘭皋

步余馬于蘭皋馳椒丘且焉止息

楚詞

桃溪李逕

顧野王詩日映桃溪色風吹李逕香

黃菊宅

羅含黃菊宅柳惲白蘋汀

李義山

青璣文具

棗圃落青璣瓜畦爛文具

海錄碎事卷二十二下

後序

予幼學為詩嘗從先生長者質問為詩之利病或告之
曰詩當博當專能專能博未有不造其妙者也韓退之
言張旭善草書不治他技喜怒窘窮憂悲愉佚怨恨慕
思酣醉無聊有動於心必於草書發之故其書變動猶
鬼神不可端倪謂詩為當專者之論如此夫詩之為用
所以摹狀四時之造化陶寫平生喜怒哀樂之性靈前
輩言凡天下之書雖山經地誌花譜藥錄小說細碎當

無所不觀古今之詩雖巖棲谷隱漏篇缺句當無所不講謂詩為當博者之論又如此予深然其言曩時為高澣者作送行序私竊識焉曲折累數千百字其說甚備獨恨後學之士或能專而不能博或能博而不能專而予於斯二者皆不能致力焉若今泉州太守前兵部郎中翠巖葉侯嗣忠其可謂兼之者乎予嘗得見侯所謂海錄者凡十數大冊皆親書蠅頭細字惟謹蓋亡慮十餘萬事大抵皆詩材也侯因自言游宦四十餘年未嘗

一日不作詩食以飴口怠以為枕無非此書之力為多
其博與專乃如此以是其詩老而益工如題琴泉軒云
不是妙音生妙指只緣流水似流泉無名木云人休清
樾摩挲認鳥泊高枝睥睨看置於唐人詩集中殆不能
辨至其和錢起江行百詩用事精當寓意清高與起詩
甚類士大夫間多傳錄之故吏部員外郎朱侯喬年與
予雅游厚善喬年有能詩聲議論高甚少許可顧常喜
稱侯來守泉南而予實客寓此郡聲聞豫熟既見歡如

平生雖月率不過一二還往然見輒論詩無它談凡一歲間相與更酬迭唱甚樂間一日侯誦所作郡舍羅漢堂詩示予其斷章言幾多雁鷺行間吏衙退頻來禮釋迦予曰韋蘇州詩云今朝郡齋閑欲問楞伽字其每讀至此未嘗不廢卷太息想像應物之風流醞藉而有以知蘇臺當時之無事也泉為劇郡侯能鎮之以靜而不擾使吏輩優游如此抑亦可以見大府辦治而侯之風度矣侯忻然以予為會心之友未幾予來佐臨漳郡事

侯送之以詩有戍兵數有流星遞元白詩簡幸寄將之
句予益知侯專於詩未嘗頃刻忘也雖然使侯平昔不
能博極羣書撮其機要廣錄而儲用之雖能專如此吾
恐發而為詩事不足以副才枯而不腴華而不實未必
能如是之工也然則所謂海錄者其可謂之小補云乎
哉侯既自序此書登載門類卷帙之目詳矣又以書謁
予文乃為具道少時所以聞於先生長者之說及屬
者與侯酬唱論議之益著于篇之首夫春秋美君子樂

道人之善況於會心之知乎此則予之意也覽觀者其
自知之紹興十有九年冬十一月十九日河陽傅自
得安道叙



海錄碎事後序